

Inatsisartut suleriaasianni § 37 imm. 1 naappertorlugu Naalakkersuisunut apeqquiti imaattut matumuuna saqqummiuppakka:

**Naalakkersuisunut apeqquiti:**

- 1) **Nuummi Ilulissanilu mittarfissat naatsorsuutigisamiit 900 mio. kr.-inik akisunerunerat, Qaqortumilu mittarfissap naatsorsuutigisamit aamma akisunerunera nunatta aningaasaqarnera eqqar-saatigalugu, Naalakkersuisut qanoq isumaqarfigaat?**
- 2) **Naalakkersuisut Inatsisartunut sorleq innersuussutiginiarpaat unikaallatsinneqarnissaat, naalinissaat imaluunniit tamarmik ingerlatiinnarneqarnissaat?**
- 3) **Nuummi Ilulissanilu mittarfissat 900 mio. kr.-inik naatsorsuutigisamiit akisuneruneri KAIR-imit Naalakkersuisuniillu qanga ilisimaneqalerpa 900 mio. Kr.-inik akisunerussasut?**
- 4) **Akisunerunerannut pissutaatinneqartut Naalakkersuisunit sannaartugassap pilersaarusionerata inerniliivigineqarerani siumut ilimagineqareersimasinnaangillat?**
  - a) **Taamaassimangippat suna tamatumunnga pissutaava?**
- 5) **Taamak annertutigisumik naatsorsuinerit nikingatillugit siunnersuinerlussimanermut kukkusumilluunniit naatsorsuisoqarsimaneranut inatsisitigut akisussaaittisoqarsinnaava?**
  - a) **Taamaappat, kikkut akisussaatinneqarsinnaappat?**
- 6) **Illumoorpa Mittarfeqarfiit Kangerlussuarmi ingerlatsinermi iluanaarutaat nuna tamakkerlugu mittarfinnut allanut matussuseeqataasartut?**
  - a) **Tamanna qanoq ukiumut aningaasartaqarpa?**
  - b) **Ukiunilu qassini taamatut ingerlasoqarsimava?**
  - c) **Amigartoorutit siunissami qanoq iliorluni matussuserniarneqassappat?**
  - d) **Mittarfiit Nuummi Iluissanilu siunissami mittarfiit sinnerisa amigaartoruutaat nammassavaat?**



- 7) Pilersaarurit atuuttut naapertorlugit mittarfiit tamarmik ingerlatiinarneqasapput, nunatta aningaasaqarnerata tamanna nammassinnaavaa??
- 8) Suunukua timmisartut atorneqarnissaat eqqarsaatigalugit Qaqortumi mittarfissaq 1.500 miiterimut takissusilerneqartoq?
  - a) Timmisartut eqqarsaatigineqartut mittarfimmut naannerusumut missinnaappat?
- 9) Qaqortumi 1.500 miiteriunissaa pissutigalugu nunatta avataaniit timmisartortitseqatigiiffinnik Qaqortumut angallassisalernissaminnik neriorsuisoqarnikuua?

(Anders Olsen, Inatsisartunut ilaasortaq, Siumut)

#### **Tunngavilersuut:**

Siullermik Naalakkersuisut nersualaarussuppakka mittarfissuit killiffii pillugit ammasumik paasissu-tissiinerat pillugu. Taamaakkaluartoq maqaasivara Naalakkersuisut mittarfissuussat akisunerungaa-tiarnerannut namminneq qanoq isumaqarnersut. Tassami mittarfissuussat qanoq pineqassanersut Inatsisartut aalajangissagaat Naalakkersuisut taamaallaat oqariartuutigivaat, Naalakkersuisulli nam-minneq qanoq apeqqummut isumaqarnerlutik oqariartuutiginagu.

Apeqqutit akineqarnissaat ullut suliffiusut qulit iluini kissaatigaara.